

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK

NACRT

ODLUKA

O KOMUNALNIM TAKSAMA

OBRADIVAČI: Stručna služba Gradonačelnika, Služba za prostorno uređenje i zaštitu okolice, Služba za poduzetništvo, lokalni razvoj i investicije i Služba za finansije i inspekcijski nadzor.

PREDLAGAČ: Gradonačelnik

RAZMATRA I USVAJA: Gradsko vijeće

Srebrenik, oktobar 2025 godine

Na osnovu člana 13. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine („Službene novine Federacije BiH”, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022), člana 3. Zakona o komunalnim taksama („Službeni list SRBiH“, broj: 21/77, 35/88 i 26/89 i „Službeni glasnik BiH“, broj: 12/24 – Odluka Ustavnog suda Bosne i Hercegovine), a u vezi sa članom 1. stav (3) Zakona o poreznoj upravi Federacije Bosne i Hercegovine („Službene novine FBiH“, broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22) i člana 25., a u vezi s članom 125. Statuta Grada Srebrenik („Službeni glasnik Grada Srebrenik”, broj: 1/24), Gradsko vijeće Srebrenik, na sjednici održanoj dana _____, donosi

O D L U K U
o komunalnim taksama
(NACRT)

I – OPĆE ODREDBE

Član 1.
(Predmet Odluke)

Ovom Odlukom propisuju se komunalne takse na području grada Srebrenik (u daljem tekstu: takse), vrste taksi, obveznici plaćanja taksi, razrez i naplata taksi, visina taksi po tarifnom broju, način i rokovi plaćanja taksi, kriteriji za utvrđivanje takse, oslobađanje od plaćanja takse, nadzor nad provođenjem ove Odluke, kao i druga pitanja koja se odnose na naplatu taksi.

Član 2.
(Definicije pojmova)

Definicije pojmova u smislu ove Odluke su:

- a) Pod priređivanjem zabavnih igara u ugostiteljskim objektima i drugim prostorima** podrazumijevaju se igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima koji se stavljaju u pogon pomoću kovanog novca, žetona ili uz naplatu, a u kojima igrač ne može ostvariti dobitak u novcu, stvarima ili pravima;
- b) Pod korištenjem aparata za posebne igre na sreću i sl.** podrazumijevaju se mehanički, elektronski ili slični uređaji čije korištenje od jednog ili više korisnika u konačnici donosi mogućnost ostvarenja određenog dobitka;
- c) Pod korištenjem poslovnog prostora u kojem se priređuju klasične igre na sreću i posebne igre na sreću,** podrazumijeva se svaki prostor u kojem se priređuju klasične igre na sreću i/ili posebne igre na sreću;
- d) Držanje i izvođenje muzike uživo u ugostiteljskim objektima i baštama ugostiteljskih objekata** podrazumijeva povremeno ili svakodnevno izvođenje muzičkog programa (muzike uživo) uz pružanje ugostiteljskih usluga;
- e) Priređivanje komercijalnih koncerata** podrazumijeva organizovanje i priređivanje koncerata na otvorenom i u zatvorenom prostoru uz naplatu karata;
- f) Postavljanje i držanje uređaja za isplatu i naplatu gotovine (bankomata)** podrazumijeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;
- g) Postavljanje i držanje svih drugih uređaja koji putem automatske obrade podataka naplaćuju usluge korisnicima gotovinom, karticama za naplatu ili posredstvom telekom operatera (kafemati, parkomati, cvjetomati i sl.)** podrazumijeva postavljanje, navedenih uređaja koji automatskom obradom podataka obračunavaju i naplaćuju razne vrste usluga bez

ličnog posredovanja konzumenta sa pružaocem usluga, koji može biti registrovan kao fizičko ili pravno lice.

h) Pod korištenjem lokalnih cesta i javnih površina podrazumijeva se korištenje istih za dostavna i komercijalna vozila koja vrše dostavu roba i materijala.

i) Pod korištenjem elektroenergetskih objekata kojima se vrši prenos električne energije podrazumijeva se korištenje: prenosnih trafostanica prenosnog odnosa: 220/110/35/10(20) kV , trafostanica 35/10(20) kV, rasklopnih postrojenja i distributivnih trafostanica 10(20)0,4 kV (STS i MBTS),

j) Pod korištenjem podzemnih i nadzemnih instalacija podrazumijeva se korištenje elektroenergetskih, telekomunikacijskih i kablovskih instalacija u svrhu prenosa telefonskog, TV i internet signala, prenosa podataka, električne energije i sl.,

k) Pod korištenjem uređaja za pružanje usluga kablovske televizije i bežičnog interneta podrazumijeva se korištenje baznih i mikrobaznih stanica, predajnika, antena i stubova.

l) Pod izgradnjom, dogradnjom i nadogradnjom građevinskih objekata podrazumijeva se izvođenje građevinskih radova radi podizanja novog objekta, proširenja postojećeg objekta dodavanjem novih dijelova ili podizanjem dodatnih spratova na postojeći objekat uz zadržavanje njegove osnovne namjene, a kojim se zahvatima dobija nova korisna površina građevinskog objekta.

Član 3. **(Vrste taksi)**

Takse se naplaćuju za:

- a) Priređivanje zabavnih igara;
- b) Korištenje aparata za posebne igre na sreću i sl.;
- c) Poslovni prostor u kojem se priređuju klasične igre na sreću i/ili posebne igre na sreću;
- d) Držanje i izvođenje muzike uživo u ugostiteljskim objektima i baštama ugostiteljskih objekata;
- e) Priređivanje komercijalnih koncerata;
- f) Postavljanje i držanje uređaja za isplatu i naplatu gotovine (bankomata);
- g) Postavljanje i držanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatora (kafemati, parkomati, cvjetomati i sl.).
- h) Korištenje lokalnih cesta i javnih površina;
- i) Korištenje elektroenergetskih objekata kojima se vrši prenos električne energije;
- j) Korištenje podzemnih i nadzemnih instalacija;
- k) Korištenje uređaja za pružanje usluga kablovske televizije i bežičnog interneta.
- l) Izgradnju, dogradnju i nadogradnju građevinskih objekata

Član 4. **(Obveznik plaćanja takse)**

(1) Obveznici plaćanja takse su pravna i fizička lica koja su korisnici prava na postavljanje, držanje i korištenje uređaja, predmeta i dr. ili prava na korištenje prostora na području grada, a za čije je postavljanje, držanje i korištenje propisano plaćanje takse ovom Odlukom.

(2) Obveznik takse iz člana 3. tačka h) je privredno društvo čije dostavno vozilo nije registrovano na području Tuzlanskog kantona.

(3) Ako je za istu taksu prijavljeno više obveznika, njihova obaveza je solidarna.

II – RAZREZ I NAPLATA TAKSE

Član 5.

(Nastanak obaveze plaćanja takse)

- (1) Taksena obaveza nastaje danom početka korištenja prava, predmeta ili otpočinjanja vršenja usluga, za čije je korištenje propisano plaćanje takse i traje sve dok traje korištenje prava, predmeta ili vršenja usluga, ako to ovom Odlukom nije drugačije propisano.
- (2) Komunalna taksa predstavlja prihod Grada Srebrenik i uplaćuje se na depozitni račun Grada Srebrenik.

Član 6.

(Razrez, utvrđivanje obaveze plaćanja i naplata takse)

- (1) Razrez, utvrđivanje obaveze plaćanja, naplatu i prinudnu naplatu utvrđenih obaveza po osnovu komunalne takse iz člana 3. tačka a) i b) vrši Kantonalni porezni ured – Poreska ispostava Srebrenik u skladu sa odredbama Zakona o poreznoj upravi Federacije Bosne i Hercegovine, odredbama ove Odluke i drugim podzakonskim aktima.
- (2) Utvrđivanje visine obaveza i naplatu komunalnih taksi iz člana 3. tačka c), d) i e) vrši nadležna gradska služba za oblast lokalnog razvoja i poduzetništva.
- (3) Utvrđivanje visine obaveza i naplatu komunalnih taksi iz člana 3. tačka f), g), h), i), j), k), l), vrši gradska služba nadležna za oblast komunalnih poslova.

Član 7.

(Načini i rokovi za podnošenje prijave takse)

- (1) Prijava za razrez komunalne takse iz člana 3. tačka a) do k) ove Odluke, vrši se na odgovarajućem obrascu numerisanom arapskim brojem koji je dostupan strankama na infopultu gradske uprave i zvaničnoj web stranici Grada Srebrenik.
- (2) Prijavu za razrez komunalne takse iz člana 3. tačke a) i b) ove Odluke obveznik podnosi Poreznoj upravi - Porezna ispostava Srebrenik, na obrascu broj 1 i 2 najkasnije do 28. februara tekuće godine, prema stanju na dan 1. januar iste godine za koju se razrez vrši, odnosno u roku od sedam dana, ako je obveznik otpočeo sa obavljanjem djelatnosti u toku poslovne godine.
- (3) Promjene nastale poslije 1. januara tekuće godine, odnosno u toku godine, obveznik je dužan prijaviti Poreznoj ispostavi, najkasnije narednog dana od dana nastanka promjene.
- (4) Prijavu za utvrđivanje obaveze za plaćanje takse, određene članom 3. tačka c). d). i e), obveznik plaćanja takse podnosi gradskoj službi nadležnoj za oblast lokalnog razvoja i poduzetništva na obrascu broj 3., 4. i 5.
- (5) Prijavu za utvrđivanje obaveze za plaćanje takse, određene članom 3. tačka f). do k)., obveznik plaćanja takse podnosi gradskoj službi nadležnoj za oblast komunalnih poslova i izgradnju na obrascu broj 6. do 11.
- (6) Prijavu za utvrđivanje obaveze plaćanja komunalne takse iz člana 3. tačka c)., f). do k). ove Odluke, obveznik plaćanja takse podnosi najkasnije do 28.02. za tekuću godinu, odnosno u roku od sedam dana od dana otpočinjanja djelatnosti, ako je obveznik otpočeo sa obavljanjem djelatnosti u toku poslovne godine.
- (7) Prijavu za uvrđivanje obaveze za plaćanje takse iz člana 3. tačka d). i e). obveznik plaćanja takse podnosi najkasnije pet dana prije nastanka taksene obaveze.

(8) Obračun i naplata takse iz člana 3. tačka 1) vrši se prije izdavanja odobrenja za građenje a na osnovu rješenja kojeg ispostavlja gradska služba nadležna za oblast komunalnih poslova.

Član 8. (Obaveza prijave takse)

Obveznik komunalne takse iz člana 4. ove Odluke dužan je podnijeti prijavu za komunalnu taksu utvrđenu članom 3. ove Odluke u rokovima propisanim članom 7. ove Odluke, izuzev obveznika iz člana 3. tačka 1).

Član 9. (Sadržaj taksene prijave)

(1) Obrazac broj 1 i 2 za Prijavu razreza komunalne takse za priređivanje zabavnih igara i korištenje aparata za posebne igre na sreću i sl., sadrži najmanje slijedeće podatke: Identifikacioni broj poreznog obveznika, identifikacioni broj PDV ili broj lične karte, stari porezni broj poreznog obveznika, naziv obveznika, adresa, transakcijski račun, šifra djelatnosti, adresa prostora ili lokacije gdje nastaje taksena obaveza, vrsta objekta, broj objekata i iznos komunalne takse.

(2) Obrazac broj 3, 4 i 5 za Prijavu za utvrđivanje obaveze komunane takse, sadrži najmanje slijedeće podatke: naziv obveznika, sjedište i adresa taksenog obveznika, adresa prostora ili lokacije gdje nastaje taksena obaveza, brojeve transakcijskih računa otvorenih kod banaka, broj poslovnih jedinica, identifikacioni broj poreskog obveznika ili broj lične karte, šifra djelatnosti, tarifni broj i iznos komunalne takse.

(3) Obrasci od broja 6 do 11 za Prijavu za utvrđivanje obaveze komunane takse, sadrži najmanje slijedeće podatke: naziv obveznika, sjedište i adresa taksenog obveznika, adresa prostora ili lokacije gdje nastaje taksena obaveza, brojeve transakcijskih računa otvorenih kod banaka, broj poslovnih jedinica, identifikacioni broj poreskog obveznika ili broj lične karte, šifra djelatnosti, tarifni broj i iznos komunalne takse.

Član 10. (Postupak plaćanja takse)

(1) Taksene prijave moraju biti potpune i podnesene u roku, propisanom ovom Odlukom.

(2) Obveznik plaćanja takse iz člana 3. tačka a) i b) ove Odluke, plaća taksu u godišnjem iznosu unaprijed za tekuću godinu, najkasnije do 28.2. za tekuću godinu, odnosno u roku 15 dana od dana izdavanja naloga za plaćanje od strane Kantonalnog poreznog ureda-Porezne ispostave Srebrenik, u skladu sa članom 41. Zakona o poreznoj upravi Federacije BiH.

(3) Obveznik plaćanja takse iz člana 3. tačka c), f), g), h), i), j), k) ove Odluke plaća taksu u godišnjem iznosu unaprijed najkasnije do 28.2. za tekuću godinu, odnosno u roku od 15 dana od dana donošenja rješenja nadležne službe iz člana 7. stav 3) i 4) ove Odluke.

(4) Ukoliko je obveznik takse započeo sa obavljanjem djelatnosti u toku poslovne godine, taksu će uplatiti unaprijed obračunatu za broj mjeseci koji je preostao do isteka poslovne godine.

(5) Ukoliko je obveznik takse prestao sa obavljanjem poslovne djelatnosti u toku poslovne godine, ima pravo na povrat dijela uplaćene takse, obračunate za broj mjeseci koji je preostao do isteka poslovne godine od dana prestanka poslovne djelatnosti.

(6) Na izdati nalog Porezne ispostave za plaćanje, obveznik ili njegov zastupnik, ima pravo prigovora Poreznoj ispostavi Srebrenik u skladu sa odredbama Zakona o poreznoj upravi Federacije BiH.

(7) Obveznik plaćanja takse iz člana 3. tačke c), d), e), f), g, h) i), j), k), l) ove Odluke, plaća taksu u rokovima utvrđenim rješenjem nadležnog organa.

(8) Jedan primjerak rješenja iz prethodnog stava ovog člana nadležni organ je dužan dostaviti gradskoj službi nadležnoj za poslove budžeta i finansija.

Član 11. (Rješenje)

(1) Obavezu plaćanja takse, na osnovu podnesenih prijava, rješenjem utvrđuju:

- a) Porezna uprava - ispostava Srebrenik za taksu iz člana 3. tačka a) i b) ove Odluke;
- b) Služba za poduzetništvo, lokalni razvoj i investicije za taksu iz člana 3. tačka c), d) i e), ove Odluke;
- c) Služba za prostorno uređenje i zaštitu okolice za taksu iz člana 3. tačka f), g), h) i), j), k), l), ove Odluke.

(2) Ako obveznik takse iz stava (1) ovog člana nije podnio prijavu u rokovima utvrđenim članovima 7. i 10. Ove Odluke, Porezna ispostava Srebrenik ima pravo da po isteku roka od 15 dana od dana obaveze podnošenja prijave u ime taksenog obveznika podnese prijavu za plaćanje takse iz člana 3. tačka a) i b) ove Odluke, a nadležne službe će po službenoj dužnosti donijeti rješenje za taksu iz člana 3. tačka c), d), e), f) g), h) i), j), k), ove Odluke.

Član 12. (Evidencija)

(1) Porezna uprava i nadležne gradske službe za upravu kontinuirano prikupljaju i evidentiraju podatke i promjene od značaja za razrez i naplatu takse.

(2) Nadležne gradske službe za upravu i inspekcijски organi će Poreznoj upravi dostavljati podatke, dokumentaciju i informacije od značaja za razrez i naplatu takse iz člana 3. tačka a) i b) ove Odluke, do kojih dođu u obavljanju poslova iz svoje nadležnosti.

Član 13. (Obračun taksi)

Takse iz člana 3. ove Odluke obračunavaju se i plaćaju u visini kako je to utvrđeno Tarifom komunalnih taksi (u daljem tekstu: Tarifa), koja je sastavni dio ove Odluke.

Član 14. (Neblagovremeno plaćanje takse)

(1) Za neblagovremeno plaćanje takse propisane ovom Odlukom, plaća se zakonska zatezna kamata u skladu sa propisima Federacije Bosne i Hercegovine, koji regulišu visinu zatezne kamatne stope.

(2) Odredba iz prethodnog stava ovog člana, naznačit će se kao obaveza za obveznika plaćanja komunalne takse u rješenju iz člana 11. ove Odluke.

Član 15. (Povrat takse)

(1) Obveznik koji je platio taksu, koju po odredbama ove Odluke nije bio dužan da plati, kao i obveznik koji je taksu platio u iznosu većem od propisanog, ima pravo na povrat iznosa koji nije bio dužan da plati.

(2) Zahtjev za povrat sredstava se podnosi Poreznoj upravi odnosno gradskoj službi koja je nadležna za utvrđivanje takse.

(3) Porezna uprava, odnosno nadležna gradska služba, je dužna da u roku od 30 dana odlučiti o zahtjevu.

III – KRITERIJI ZA UTVRĐIVANJE VISINE TAKSE

Član 16.

(Kriterij za utvrđivanje visine takse)

(1) Visina takse utvrđuje se prema sljedećim kriterijima, i to:

- a) površina prostora po m² i dužnom metru koja se koristi,
- b) broj komada predmeta koji se koriste,
- c) zone u kojima se koriste predmeti, prostori ili pružaju usluge

(2) Izuzetno od prethodnog stava, kriterij za utvrđivanje visine komunalne takse iz člana 3. tačka 1) ove Odluke, je korisna površina novonastalog prostora po m² ili dužnom metru.

Član 17.

(Zone za utvrđivanje takse)

Područje grada Srebrenik u pogledu utvrđivanja visine takse, osim takse iz člana 3. tačka 1) ove Odluke, dijeli se na četiri zone navedene u Aneksu I, koji je sastavni dio ove Odluke.

IV – OSLOBAĐANJE OD PLAĆANJA TAKSE

Član 18.

(Oslobađanje od plaćanja takse)

(1) Od plaćanja takse oslobođeni su:

- a) Organi Bosne i Hercegovine, Federacije Bosne i Hercegovine, Tuzlanskog kantona i Grada Srebrenik,
- b) Međunarodne organizacije i diplomatsko-konzularna predstavništva,
- c) Ustanove iz oblasti obrazovanja, nauke, kulture i prirodne baštine, sporta, socijalne zaštite, humanitarne i dobrotvorne organizacije,
- d) Vjerske zajednice,
- e) Organizacije ratnih vojnih invalida, organizacije porodica šehida-poginulih boraca i organizacije demobilisanih boraca,
- f) Obrtnici koji obavljaju djelatnost utvrđenu Uredbom o zaštiti tradicionalnih i starih obrta, kao i obrtnici koji obavljaju djelatnost „kućna radinost“, u smislu Zakona o obrtu i srodnim djelatnostima,
- g) pravna lica koja u svojstvu suorganizatora sa Gradom Srebrenik organizuju manifestacije na području grada Srebrenik.

(2) Izuzetno od prethodnog stava ovog člana, od plaćanja takse iz člana 3. tačka 1) ove Odluke, oslobođeni su:

- a) ratni vojni invalidi sa procentom invalidnosti od najmanje 20 %,
- b) članovi uže porodice poginulih boraca;
- c) vjerske zajednice,

d) grad Srebrenik i javne ustanove čiji osnivač grad Srebrenik.

(3) Zahtjev za oslobađanje od plaćanja takse podnosi se organu nadležnom za razrez i utvrđivanje takse, koji odlučuje o istom.

V – NADZOR

Član 19. (Nadzor nad provođenjem Odluke)

(1) Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja takse iz člana 3. tačka a) i b) ove Odluke vrši nadležni Kantonalni porezni ured – Poreska ispostava Srebrenik.

(2) Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu putem Gradskog pravobranilaštva u slučaju neplaćanja takse iz člana 3. tačka c), d) i e) vrši gradska služba nadležna za oblast lokalnog razvoja i poduzetništva, dok za takse utvrđene članom 3. tačke f) g), h) i), j), k), l), navedene aktivnosti vrši gradska služba nadležna za oblast komunalnih poslova.

Član 20. (Inspeksijski nadzor)

Inspeksijski nadzor nad provođenjem ove Odluke vrše komunalni inspektori Službe za finansije i inspeksijski nadzor Grada Srebrenik.

VI – KAZNENE ODREDBE

Član 21. (Kazne za prekršaje)

(1) Novčanom kaznom u iznosu od 1.000,00 KM do 2.000,00 KM kazniće se za prekršaj pravno lice, ako u roku propisanim članom 7. stav (5) i (6) ove Odluke, ne podnese prijavu za komunalnu taksu utvrđenu članom 3. ove Odluke.

(2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM do 1.000,00 KM.

(3) Za prekršaj iz stava (1) ovog člana kaznit će se i fizičko lice, novčanom kaznom u iznosu od 300,00 KM - 800,00 KM.

(4) Za prekršaj iz stava (1) ovog člana kaznit će se i fizičko lice, koje obavlja samostalnu poslovnu djelatnost – obrt, novčanom kaznom u iznosu od 300,00 KM do 800,00 KM.

VII - ZAVRŠNE ODREDBE

Član 22. (Stupanje na snagu Odluke)

(1) Ova Odluka stupa na snagu narednog dana od dana objavljivanja u „Službenom glasniku Grada Srebrenik”, a primjenjivati će se od 01.01.2026. godine.

(2) Neokončani postupci utvrđivanja i razreza taksene obaveze započeti do dana početka primjene ove Odluke okončat će se po odredbama Odluke o komunalnim taksama („Službeni glasnik Općine Srebrenik“ br:10/05, 11/11 i 3/13) i („Službeni glasnik Grada Srebrenik“ br:8/24).

Član 23.
(Prestanak važenja ranije odluke)

Danom početka primjene ove Odluke, prestaje da važi Odluka o komunalnim taksama („Službeni glasnik Općine Srebrenik“ br:10/05, 11/11 i 3/13) i („Službeni glasnik Grada Srebrenik“ br:8/24).

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
Gradsko vijeće

PREDSJEDAVAJUĆI GRADSKOG VIJEĆA

Nisvet Sejdinović

Broj: 01- /25
Srebrenik, _____ 2025. godine

ANEKS I

ZONE ZA UTVRĐIVANJE TAKSE

Područje grada Srebrenik u pogledu utvrđivanja visine takse dijeli se na četiri zone, kako slijedi:

1. Nulta zona

Nulta zona obuhvata centralni prostor grada Srebrenika koji je prostorno omeđen sljedećim saobraćajnim i prirodnim granicama:

- sa sjevera: magistralnom cestom M1.8 (Tuzla – Orašje),
- sa istoka: regionalnom cestom R-461 (Srebrenik – Gračanica),
- sa juga: željezničkom prugom Brčko – Banovići,
- sa zapada: prirodnim tokom Mulahametovića potoka.

2. Prva zona

Prvu zonu čini ostali dio grada Srebrenik uključujući i prigradska naselja Bare, NN Polje i Čehaje.

3. Druga zona

Drugu zonu čine naselja kako slijedi:

- Sladna sa naseljima Ahmi
 - i. Omerbašići. Ibri
 - i. Pirage i Panduriste;
 - Babunovici;
 - Rapatnica sa naseljima NN Kiseljak, NN Luka, Brda i Sječe;
 - Falešići;
- Ježinac;
 - Špionica Centar sa naseljima Tutnjevac i Radi
 - i;
 - Ormanica;
 - Špionica Donja;
 - Gornji i Donji Srebrenik:
- Duboki Potok sa naseljima Bjelave, Dedići i Seona;
- Donji Potpec;
 - Tinja Donja sa naseljima: Tinja Centar, Staro Selo i Luke;
 - Tinja Gornja sa naseljima Brezje i Previle;
 - Podorašje sa naseljima Podorašje I, Podorašje II i Drapni
- i,
- Jasenica;

3. Treća zona

Treću zonu čine sljedeća naselja: Murati, Salihbašići. Vikali. Murati. Kovačevići. Gularni, Lušnica, Špionica Srednja. Jošak. Kosica. Šestići. Topalovići. Crik, Hrgovi Gornji. Vrela, Zubovo Brdo, Bogdanovi

i. Vidrovići. Hureni. Mustafići, Donji Moranjci. Gornji Moranjci, Čekani
 i. Džafići, Brnjićani. Kuzumovići, Čojluk, Čojlučko Polje, Džombići, Uroža. Ljenobud.
 Šahmeri, Behrami, Lipje, Cage, Drenovac, Kuge. Like, Zahirovi
 i, Brezik, Kurti
 i, Lisovići, Straža. Gornji Potpeć, Crveno Brdo, Šainovi
 i, Dabojevi
 i, Tursunovići i Maoča.

ANEKS II

TARIFA KOMUNALNIH TAKSI

DIO A - TARIFNI BROJ 1. (Priredivanje zabavnih igara)

Vrsta zabavnih igara	Nulta zona	I zona	II zona	III zona
Igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima (KM/komad/godišnje)	120,00	100,00	60,00	40,00

DIO B- TARIFA BROJ 2. (Korištenje aparata za posebne igre na sreću i sl.)

Vrsta posebnih igara na sreću	Nulta zona	I zona	II zona	III zona
Priredivanje igara na sreću putem elektronskih ili mehaničkih mašina i automata (slot mašine) (KM/po aparatu/godišnje)	5.000,00	4.000,00	3.000,00	2.000,00

DIO C-TARIFA BROJ 3. (Poslovni prostor u kojem se priređuju klasične igre na sreću i/ili posebne igre na sreću)

Poslovni prostor u kojem se priređuju klasične igre na sreću i/ili posebne igre na sreću (KM/godišnje)	Nulta zona	I zona	II zona	III zona
Iznos takse	20.000,00	18.000,00	16.000,00	15.000,00

DIO D-TARIFA BROJ 4. (Držanje i izvođenje muzike uživo u ugostiteljskim objektima i baštama ugostiteljskih objekata)

Zona	Taksa po jednom danu	Mjesečni paušal	Tromjesečni paušal
Nulta zona	40 KM	180 KM	400 KM
Zona I	30 KM	160 KM	350 KM
Zona II	25 KM	140 KM	300 KM
Zona III	20 KM	130 KM	250 KM

DIO E-TARIFA BROJ 5. (Priredivanje komercijalnih koncerata)

Vrsta prostora	Zatvoreni prostor	Otvoreni prostor
Visina takse	1,5 KM po m2	0,5 KM po m2

NAPOMENA: kod otvorenog prostora taksa se mjeri i obračunava po m2 bine i ograđenog otvorenog prostora

DIO F-TARIFA BROJ 6. (Postavljanje i držanje uređaja za isplatu i naplatu gotovine -bankomata)

Vrsta takse	Iznos
Za postavljanje i držanje uređaja za isplatu i naplatu gotovine (bankomata) plaća se taksa godišnje po jednom uređaju	1.000 KM

DIO G-TARIFA BROJ 7. (Postavljanje i držanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatora -kafemati, parkomati, cvjetomati i sl.)

Vrsta takse	Iznos
Za postavljanje i držanje uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatora (kafemati, parkomati, cvjetomati i sl.) plaća se taksa godišnje po jednom uređaju)	300 KM

DIO H-TARIFA br. 7. (korištenje lokalnih cesta i javnih površina)

<i>TARIFA BR. 7</i>	Nulta zona KM/ godišnje	I zona KM/ godišnje	II zona KM/ godišnje	III zona KM/ godišnje
Za dostavna vozila nosivosti do 500 kg	250,00	200,00	150,00	100,00
Za dostavna vozila nosivosti od 501 do 3500 kg	450,00	400,00	350,00	300,00
Za dostavna vozila nosivosti od 3501 do 7500 kg	650,00	600,00	550,00	500,00
Za dostavna vozila nosivosti preko 7500 kg	850,00	800,00	750,00	700,00

DIO I -TARIFA br. 8 (korištenje elektroenergetskih objekata kojima se vrši prenos električne energije-trafostanica)

Vrsta uređaja/opreme	Nulta zona	I zona	II zona	III zona
Prenosna trafostanica 220/110/35/10(20) kV, (KM/po komadu/godišnje)	10.000,00	9.500,00	9.000,00	8.800,00
Prenosna trafostanica 110/20/10/(20) kV (KM/po komadu/godišnje)	8.000,00	7.500,00	7.000,00	6.800,00
Trafostanica 35/10 (20) kV i rasklopna postrojenja (KM/po komadu/godišnje)	2.000,00	1.500,00	1.000,00	800,00
Distributivna trafostanica 10(20)0,4 kV (STS i MBTS) (KM/po komadu/godišnje)	600,00	550,00	500,00	450,00

DIO J – TARIFA BR: 9 (korištenje podzemnih i nadzemnih instalacija izvan lokalnih i nerazvrstanih cesta)

Vrsta uređaja/opreme	Nulta zona	I zona	II zona	III zona
Podzemne i nadzemne instalacije (KM/m godišnje)	0,30	0,25	0,20	0,10

DIO K-TARIFA br. 10 (korištenje uređaja i opreme za pružanje usluga kablovske televizije i bežičnog interneta) Vrsta uređaja/opreme

Vrsta uređaja/opreme	Nulta zona	I zona	II zona	III zona
Bazna stanica (KM/po komadu/godišnje)	6.000,00	5.500,00	5.000,00	4.500,00
Mikrobazna stanica (KM/po komadu/godišnje)	3.000,00	2.500,00	2.000,00	1.500,00
Predajnik (KM/po komadu/godišnje)	1.500,00	1.250,00	1.000,00	800,00
Antene i stubovi (KM/po komadu/godišnje)	1.500,00	1.250,00	1.000,00	800,00

DIO L – TARIFA br:11 (za izgradnju, dogradnju i nadogradnju građevinskih objekata)

- a) za poslovne objekte za 1 m² korisne površine 2,00 KM
- b) za proizvodne poslovne objekte, stambene objekte, garaže, pomoćne i ostale objekte za 1 m² korisne površine 1,00 KM
- c) za vikend objekte za 1 m² korisne površine 3,00 KM
- d) za izgradnju trasa dalekovoda, trasa PTT mreže, kablovske TV i slično, po dužnom metru 0,35 KM

Obrazloženje

I Pravni osnov

Pravni osnov za donošenje Odluke sadržan je u odredbama člana 13. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine („Službene novine Federacije BiH”, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022), člana 3. Zakona o komunalnim taksama („Službeni list SRBiH“, broj: 21/77, 35/88 i 26/89 i „Službeni glasnik BiH“, broj: 12/24 – Odluka Ustavnog suda Bosne i Hercegovine), a u vezi sa članom 1. stav (3) Zakona o poreznoj upravi Federacije Bosne i Hercegovine („Službene novine FBiH“, broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22) i člana 25., a u vezi s članom 125. Statuta Grada Srebrenika („Službeni glasnik Grada Srebrenika”, broj: 1/24), kojim je propisano da općinska/gradska vijeća donose propise kojima se utvrđuje visina komunalnih taksi iz oblasti, za koju su nadležni općina/grad kao jedinica lokalne uprave i samouprave, kao i visina drugih naknada, novčanih kazni i taksi u njihovoj nadležnosti.

II Razlozi za donošenje

Donošenje ove Odluke rezultat je potrebe da se na adekvatan i detaljan način uredi oblast komunalnih taksi na području grada Srebrenika.

Odlučujući o zahtjevu Kantonalnog suda u Tuzli za ocjenu ustavnosti člana 3. stav 1. tačka 4. i stav 2, te člana 12. Zakona o komunalnim taksama („Službeni list SRBiH” br. 21/77, 35/88 i 26/89), Ustavni sud Bosne i Hercegovine, donio je 18.1.2024. godine, Odluku broj: U -11/23), kojom se utvrđuje da član 3. stav 1. tačka 4. i stav 2. i član 12. Zakona o komunalnim taksama („Službeni list SRBiH” br. 21/77, 35/88 i 26/89) nisu u skladu sa članom II/3.k) Ustava Bosne i Hercegovine i članom 1. Protokola broj 1 uz Evropsku konvenciju za zaštitu ljudskih prava i osnovnih sloboda. Pomenuta odluka, broj i datum gornji se odnosila na takse za isticanje firmi, koje je Poreska uprava Federacije BiH naplaćivala u skladu sa članom 1. stav (3) Zakona o poreznoj upravi Federacije Bosne i Hercegovine („Službene novine FBiH“, broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22), koji je ostao i dalje na snazi i koji ničim nije osporen pred Ustavnim sudom.

Nakon donošenja citirane odluke Ustavnog suda Bosne i Hercegovine, Gradsko vijeće Srebrenik je na svojoj sjednici održanoj dana 11.06.2024. godine donijelo Odluku o izmjenama i dopunama Odluke o komunalnim taksama („Službeni glasnik Općine Srebrenik“, broj 10/05, 11/11 i 03/13), kojom je predmetna Odluka usklađena s odlukom Ustavnog suda Bosne i Hercegovine.

Budući da je Odluka o komunalnim taksama pretrpila nekoliko izmjena i dopuna, bilo je neophodno pristupiti izradi potpuno nove odluke kako bi se na jednom mjestu i u okviru jednog normativnog akta uredila oblast komunalnih taksi.

Kod izrade nacрта ove Odluke, korištena su iskustva i odluke drugih općina i gradova, koje su na sličan način uredile ovu oblast.

III Obrazloženje pojedinih odredaba

I – OPĆE ODREDBE

(član 1. – 4.)

Predstavlja uvodni dio Odluke u kojim je utvrđen predmet Odluke, te se definišu predmet odluke, daju definicije pojmova, određuju vrste komunalnih taksi i obveznici plaćanja istih.

II – RAZREZ I NAPLATA TAKSE

(član 5. – 15.)

U ovom dijelu Odluke regulisano je nastanak obaveze plaćanja takse, nadležnost za razrez, utvrđivanje obaveze plaćanja i naplata komunalne takse, način prijave takse, obaveza prijave i sadržaj taksene prijave, rokove za podnošenje prijave i plaćanje taksi, obračun taksi, postupanje u slučaju neblagovremenog plaćanja takse, izdavanje rješenja, evidencija i povrat takse.

III – KRITERIJI ZA UTVRĐIVANJE VISINE TAKSE

(član 16. – 17.)

Ovim poglavljem Odluke definisani su kriteriji za utvrđivanje visine takse, kao i zone za utvrđivanje komunalne takse.

IV - OSLOBAĐANJE OD PLAĆANJA TAKSE

(član 18.)

Članom 18. Odluke taksativno se navodi ko se oslobađa od obaveze plaćanja komunalne takse, te utvrđuje način realizacije oslobađanja od plaćanja komunalne takse.

V – NADZOR

(Član 19. i 20.)

Ovim poglavljem uređena je nadležnost nad provođenjem ove Odluke u pogledu prijave, obračuna i plaćanja takse, kao i inspekcijski nadzor u dijelu kaznenih odredbi.

VI – KAZNENE ODREDBE

(Član 21.)

Članom 21. propisuju prekršajna odgovornost obveznika za postupanja u suprotnosti sa odredbama ove Odluke, te visina novčanih kazni za pojedinačne taksativno navedene prekršaje obveznika plaćanja komunalne takse.

VII – ZAVRŠNE ODREDBE

(Član 22.- 23.)

U ovom poglavlju razrađen je momenat stupanja na snagu ove Odluke, te prestanak važenja ranije Odluke o komunalnim taksama.

U prilogu Odluke sadržan je Aneks I – ZONE PODRUČJA GRADA SREBRENİKA, Aneks II- Tarifa komunalnih taksi.

***IV* Finansijska sredstva**

Za provođenje ove Odluke nije potrebno obezbjeđenje dodatnih finansijskih sredstava u Budžetu Grada Srebrenika.

Srebrenik, oktobar 2025. g.

Obradivači